

2022 ЙИЛ ТУРЛИ МИЛЛАТГА МАНСУБ ИММИГРАНТЛАР ВИЗАСИ ДАСТУРИ (DV-2022) ЙЎРИҚНОМАСИ

Дастур хакида маълумот

Конгресс қарори билан жорий этилган "Турли миллатларга мансуб иммигрантлар виза дастури –DV" ҳар йили Давлат Департаменти томонидан бошқарилади. Иммиграция ва Фуқаролик Актининг (ИФА) 203(с) бўлими Америка Қўшма Штатларига тарихан иммиграция кўрсаткичи паст давлатлардан бўлган "турли миллатларга мансуб иммигрантлар" деб аталувчи иммигрантлар синфини жорий этади. 2022-солик йилида 55000 нафар "турли миллатларга мансуб иммигрантлар" (DV) визалари мавжуд бўлади. DV дастурида рўйхатдан ўтиш бепул.

Дастурда танлаб олинганлар (сараланганлар) "турли миллатларга мансуб иммигрантлар" визаларини олишга мувофик бўлишлари учун дастурнинг оддий, лекин катьий талабларига мувофик бўлишлари шарт. Давлат Департаменти сараланганларни компьютерлаштирилган тасодифий лотерея танлови оркали аниклайди. Давлат Департаменти визаларни олти жўгрофий минтакалар орасида таксимлайди, ва хеч кайси бир давлатга бир йил ичида DV визаларининг етти фоизидан ортиги берилмайди.

Куйидаги давлатлар худудида туғилган шахслар DV-2022да иштирок этишлари мумкин эмас, чунки сўнгги беш йил давомида бу давлатларда туғилган умумий сони 50000дан ортик шахс АҚШга иммиграция қилган:

Бангладеш, Бразилия, Канада, Хитой (шу жумладан Сянган (Гонконг)), Колумбия, Доминикана Республикаси, Сальвадор, Гватемала, Гаити, Гондурас, Хиндистон, Ямайка, Мексика, Нигерия, Покистон, Филиппин, Жанубий Корея, Буюк Британия (Шимолий Ирландиядан ташқари) ва унга қарам худудлар, ва Вьетнам.

Аоминь (Макао) махсус маъмурий округи ва Тайванда туғилган шахслар иштирок этишлари мумкин.

Иштирок учун талаблар

1- Талаб: <u>Америка Құшма Штатлариға тарихан иммиграция кўрсаткичи паст давлатлар</u>да туғилған шахслар руйхатдан ўтишга ҳақли булиши мумкин.

Агар сиз Америка Қушма Штатларига тарихан иммиграция курсаткичи паст давлатларда туғилган булмасангиз, сизнинг иштирок талабларига жавоб беришингизнинг яна икки эхтимоллиги бор.

• Сизнинг турмуш ўртоғингиз Америка Қўшма Штатларига тарихан иммиграция кўрсаткичи паст давлатда туғилганми? Агар жавобингиз ижобий бўлса, сиз турмуш ўртоғингизнинг

туғилган давлатига тегишлиликни даъво қилишингиз мумкин. Бундай ҳолларда, сараланган аризада сизнинг ва турмуш ўртоғингизнинг исмлари кўрсатилган бўлиши, DV визаларини олиш талабларига мувофиқ бўлишингиз ва визаларни олишингиз, ҳамда АҚШга бир вақтда сафар қилишингиз шарт бўлади.

- Сиз Америка Қўшма Штатларига тарихан иммиграция кўрсаткичи паст бўлмаган давлатда туғилгансиз, лекин ота-онангиздан бирортаси ҳам бу давлатда туғилмаган ёки улар сиз туғилган вақтда ўша давлатда қонуний равишда доимий истиқомат қилмаганми? Жавобингиз ижобий бўлса, сиз ота-онангиздан бирининг туғилган давлатига, агар унинг маҳаллий аҳолиси DV-2022 дастурининг талабларини қониқтирувчи давлат бўлса, тегишлиликни даъво қилишингиз мумкин. Бунинг маъноси ҳақида батафсил маълумот учун Кўп Сўраладиган Саволларни кўриб чиқинг.
- **2 Талаб**: Хар бир мурожаатчи DV дастурининг таълим/иш тажрибаси талабига жавоб бериши шарт:
 - энг камида ўрта ёки унга тенглаштирилиб, 12 йиллик расмий бошланғич ва ўрта таълимни муваффақиятли тамомлаш деб белгиланувчи таълимга эга бўлиш;

ЁКИ

• сўнгги беш йил ичида энг камида икки йиллик тайёрлов ёки тажриба талаб қилувчи фаолиятда икки йиллик иш тажрибага эга бўлиш. Мувофик мехнат малакасини аниклаш учун Давлат Департаменти АҚШ Мехнат Департаментининг O*Net OnLine маълумотлар базасини қўллайди.

Мувофик мехнат малакаси бўйича кўшимча маълумот учун Кўп Сўраладиган Саволлар га қаранг.

Мазкур талаблардан иккаласини ҳам қондирмасангиз, DV дастурига ариза топширманг.

Рўйхатдан ўтиш даври

DV-2022 "Турли миллатларга мансуб иммигрантлар учун визалар" дастурига аризалар электрон шаклда dvprogram.state.gov веб-сахифасида Шаркий Ёзги Вакт (EDT) (GMT-4) билан 2020 йил, 7 октябрь, чоршанба куни соат 12:00 дан бошлаб, Шаркий Стандарт Вакт (EST) (GMT-5) бўйича 2020 йил, 10 ноябрь, сешанба куни соат 12:00 гача топширилиши керак. Рўйхатга олиниш даврининг сўнгги ҳафтасигача кутманг, чунки юқори талаб веб-саҳифа фаолиятининг секинлашувига олиб келиши мумкин. Кеч топширилган ва қоғоз нусхадаги аризалар қабул қилинмайди. Қонун рўйхатга олиш даврида ҳар бир шахс учун фақат битта ариза топширилишига рухсат беради. Давлат Департаменти биттадан ортиқ киритилган аризаларни аниқлаш учун мураккаб технологиялардан фойдаланади. Биттадан ортик ариза топшириш сизни DV дастуридан четлатишга олиб келади (дисквалификация).

DV-2022 дастурига ариза топшириш тартиби

Турли Миллатларга Мансуб Иммигрантлар Визалари Аризаси Шакли (E-DV Аризаси Шакли ёки DS-5501)ни электрон равишда <u>dvprogram.state.gov</u> веб-саҳифасида топширинг. Тўлиқ бўлмаган аризаларни қабул қилмаймиз. Аризани топшириш учун тўлов олинмайди. Илтимос, аризангизни

топшираётганингизда янгиланган браузердан фойдаланинг; эскирган браузерлар (масалан: Internet Explorer 8) билан DV электрон тизимида муаммоларга дуч келиш мумкин.

Аризани шахсан ўзингиз, "виза консультантлари", "виза хизматлари агентлари" ва бошқа шу каби "ёрдамчилар"сиз тўлдиришингизни маслахат берамиз. Агар бирор киши сизга кўмаклашса хам, ариза сизнинг хузурингизда тўлдирилиши лозим. Шунда сиз саволларга тўғри жавоблар такдим эта оласиз ва тасдиклов варағи билан хусусий тасдиклов ракамингизни кўлингизга ола оласиз. Тасдиклов варағи билан хусусий тасдиклов ракамингизни ўзингиз учун саклаб кўйишингиз ўта мухимдир. Мазкур маълумотларсиз дастурдаги макомингизни билиш учун Интернет тизимига кира олмайсиз. Бирор бошка киши сизнинг ўрнингизга бу маълумотларни саклаб кўйишни таклиф этса, эхтиёт бўлинг. Шунингдек, сиз Е-DVда кўрсатган электрон почтага кириш хукукини саклаб кўйишингиз керак. DV дастурига оид фирибгарлик хакида маълумотлар учун Кўп Сўраладиган Саволларни кўриб чикинг. DV дастури хакида умумий маълумот ва сизга унда ариза топширишда кўмаклашувчи боскичма боскич йўрикнома учун бизнинг видео лавхамизни томоша килишингиз хам мумкин.

Тўлиқ ариза рўйхатдан ўтказилганда экранда сизнинг исмингиз ва махсус хусусий тасдиклов раками тасвирланган тасдиклов сахифасини кўрасиз. Мазкур тасдиклов сахифасини маълумотингиз учун принтердан чоп этиб олинг. 2021 йил, 8-майдан бошлаб, сиз dvprogram.state.gov сахифасига кайтиб кириб, Аризачи Макомини Текшириш Функциясини (Entrant Status Check) босиб, ўз хусусий тасдиклов ракамингиз ва шахсий маълумотларингизни киритиб, аризангизнинг макомини (статусини) текшириш имкониятига эга бўласиз. Сиз Аризачи Макомини Текшириш Функцияси (Entrant Status Check)дан фойдаланиб, DV-2022 дастурида сараланганингизни ва сараланган бўлсангиз, аризангизни кандай давом эттириш бўйича йўрикномани кўришингиз мумкин. АҚШ хукумати бу хакда сизга тўғридан-тўғри хабар бермайди. Аризачи Макомини Текшириш Функцияси (Entrant Status Check) мурожаатингизга боғлиқ кейинги боскичлар хакидаги йўрикноманинг ягона манбасидир. Агар сиз сараланган бўлсангиз ва виза учун ариза ва керакли хужжатларни такдим килсангиз, сиз иммиграцион виза сухбатингиз санасини текшириш учун Entrant Status Checkдан фойдаланишингиз керак. Саралаш жараёни хакида кўшимча маълумот учун Кўп Сўраладиган Саволларни кўриб чикинг.

Электрон аризангиз (E-DV)ни тўлдириш учун қуйидаги маълумотларни тақдим этишингиз шарт. Барча талаб этилган маълумотларни тўғри киритмаслик сизни DV дастуридан четлатишга олиб келади:

- 1. Исм фамилия, исм айнан паспортда кўрсатилганидек киритинг. Агар исмингиз фақат бир қисмдан иборат бўлса, уни фамилия ўрнида киритиш керак.
- 2. Жинс эркак ёки аёл.
- 3. Туғилган сана күн, ой, йил.
- 4. Сиз туғилган шаҳар.
- 5. Сиз туғилган мамлакат Мамлакат номи ҳозирги пайтда сиз туғилган жойга нисбатан қулланиладиган ном булиши керак.
- 6. DV дастури учун давлат мувофиклиги ёки тегишлилиги Мамлакатингизнинг мувофиклиги одатда сизнинг туғилган юртингиз билан бир хил бўлади. Сизнинг мамлакатингиз мувофиклиги сизнинг қаерда яшашингиз ёки фукаролигингизга боғлиқ эмас, агар у туғилган

мамлакатингиздан фарқли бўлса. Агар сиз DV дастурида қатнашишга ҳақли мамлакатда туғилмаган бўлсангиз, мамлакат тегишлилиги бўйича Куп Сураладиган Саволларни куздан кечиринг ва у ердан мамлакат тегишлилиги буйича сиз учун бирор имкониятлар мавжуд ёки мавжуд эмаслигини аниқланг.

- 7. Амал қилиб турган ва амал қилиш муддати ўтмаган халқаро сафарлар учун яроқли паспортнинг рақами, паспортни берган мамлакат номи ҳамда амал қилиш муддатининг тугаш санаси. Ушбу талаб фақатгина асосий мурожаат этувчига тааллуқли бўлиб, унинг оила аъзоларига нисбатан қўлланилмайди. Агар сиз истисно талабларига жавоб бермасангиз, у ҳолда сиз амал қилиб турган, халқаро сафарлар учун яроқли паспорт маълумотларингизни киритишингиз шарт. Истисно қўлланилиши мумкин, агар сиз фуқаролиги йўқ шахс бўлсангиз, коммунистик тузумли мамлакатда яшовчи ва ушбу мамлакатдан халқаро сафарларга яроқли паспорт ола олмайсиз, ёки Давлат Хавфсизлиги Котиби ва Давлат Котибидан шахсий истисно рухсатномасини олгансиз. Яроқли паспорт маълумотларини киритмаслик сизни DV визаси учун номуносиб қилади. Истисно талабларига жавоб бериш ёки бермаслигингиз бўйича кўпроқ маълумот учун Кўп Сўраладиган Саволлардаги 12-саволга қаранг.
- 8. Аризачиларнинг фотосуратлари Ўзингиз, турмуш ўртоғингиз ва барча фарзандларингизнинг яқинда (сўнги олти ой ичида) олинган фотосуратлари. Фотосуратларнинг тузилиши ва техник хоссаларига талабларни ракамли фотосурат топшириш бўлимида кўринг. Аллакачон АҚШ фукароси ёки АҚШ конуний доимий истикомат килувчиси бўлган турмуш ўртоғингиз ёки фарзандингиз учун фотосурат топширишингиз шарт эмас. Бирок, сиз улар учун ҳам фотосурат топширсангиз, бу сиз учун муаммо туғдирмайди.

DV дастури аризаларидаги фотосуратлар АҚШ визалари учун фотосуратлар билан бир хил талабларга жавоб бериши шарт. Агар ўзингиз ва оила аъзоларингиз учун топшираётган фотосуратларингиз бирор йўл билан ўзгартирилган бўлса ёки бу талабларга тўлик мувофик бўлмаса, сизнинг аризангиз дастурдан четлатилади. Олдинги йил дастурига топширилган расмларни кайта топшириш дастурдан четлатилишга олиб келади. Кўшимча маълумот учун куйидаги ракамли фотосурат топшириш бўлимини кўринг.

- 9. Почта манзили Кимга Манзил 1-сатр Манзил 2-сатр Шаҳар Туман/Вилоят/Штат Почта индекси Мамлакат
- 10. Сиз хозир яшаётган мамлакат.
- 11. Телефон рақами (ихтиёрий).
- 12. Электрон почта манзили сиз бевосита киришингиз мумкин бўлган ва биз кейинги йил май ойида сараланганларни хабардор этганимиздан кейин ҳам бевосита киришда давом эта оладиган электрон почта манзилингиз. Аризангиз сараланса ва сиз Аризачи Мақомини Текшириш Функцияси (Entrant Status Check) орқали ғолиблигингиз ҳақидаги ҳабарга жавоб берсангиз, сиз Давлат Департаментидан электрон почта орқали иммиграцион визангиз

бўйича сухбатингизга оид батафсил маълумотларни Аризачи Мақомини Текшириш Функцияси (Entrant Status Check)да кўриб чикишингиз мумкинлиги ҳақида кўшимча ҳабар оласиз. Давлат Департаменти ҳеч қачон DV дастурида сараланганингиз ҳақидаги маълумотни электрон почта манзилига жўнатмайди. Саралаш жараёни ҳақида кўшимча маълумот учун Кўп Сўраладиган Саволларни кўринг.

- 13. Сиз шу кунга қадар тугатган энг юқори таълим босқичи: (1) фақат бошланғич таълим (2) тўлиқсиз ўрта таълим, (3) тўлиқ ўрта таълим (4) касбий/ўрта махсус таълим (5) тўлиқсиз олий маълумот, (6) бакалавр (7) тугалланмаган магистратура (8) магистр (9) докторантура даражасида курслар ёки (10) фан доктори. Таълим талаблари ҳақида кўшимча маълумот учун Кўп Сўраладиган Саволларни кўринг.
- 14. Хозирги оилавий холатингиз (1) Турмуш курмаган, (2) турмуш курган ва менинг турмуш ўртоғим АҚШ фукароси ёки АҚШ Қонуний Доимий Резиденти (LPR) ЭМАС, (3) турмуш курган ва менинг турмуш ўртоғим АҚШ фукароси ёки АҚШ Қонуний Доимий Резиденти (LPR), (4) ажрашган, (5) бева ёки (6) қонуний расмийлаштирилган алохида яшаш. Турмуш ўртоғингизнинг тўлик исми ва фамилияси, туғилган санаси, жинси, туғилган жойи ва туғилган мамлакатини киритинг ҳамда турмуш ўртоғингизнинг фотосурати ҳам ўзингиз учун киритишингиз керак бўлган фотосурат каби бир хил техник талабларга мувофиклигига ишонч ҳосил қилиб топширинг.

Талабларга мувофик турмуш ўртоғингизни аризага киритмаслик ёки турмуш ўртоғи бўлмаган шахснинг маълумотларини киритишингиз сизнинг дастур асосий мурожаат этувчиси сифатида дастурдан четлатилишингизга шунингдек турмуш ўртоғингиз ва фарзандларингизни хам четлатилишига олиб келади. Сиз турмуш ўртоғингиздан алохида яшаётган бўлсангиз хам, факатгина сиз конуний расмийлаштирилган холда алохида яшаётган бўлмасангиз, турмуш ўртоғингизни аризангизда кўрсатишингиз шарт. Конуний алохида яшаш бу суд карорига асосан эр-хотин никохда колиши, лекин алохида яшашини белгиловчи битимдир. Агар сиз турмуш ўртоғингиз билан конуний алохида яшаётган бўлсангиз, сизнинг турмуш ўртоғингиз сиз билан DV дастури оркали кўчиб кета олмайди. Агар конуний алохида яшаётган турмуш ўртоғингизнинг исмини аризангизда кўрсатсангиз, бунинг учун сиз жазоланмайсиз. Агар сизнинг алохида яшашларингиз суд буйруғига асосланган бўлмаса, у холда турмуш ўртоғингизни киритишингиз шарт, хаттоки сиз DV визасига мурожаат этишдан аввал ажрашмокчи бўлсангиз хам. Талабларга мувофик турмуш ўртоғингизни аризага киритмаслик дастурдан четлатилишга (дисквалификация) асосдир.

Агар турмуш ўртоғингиз АҚШ фукароси ёки АҚШ қонуний доимий истикомат килувчиси бўлса, уни аризангизда кўрсатманг. Аллакачон АҚШ фукароси ёки АҚШ конуний доимий истикомат килувчиси бўлган турмуш ўртоғингизга DV визаси керак бўлмайди ва бундай виза берилмайди. Шунинг учун, агар сиз аризада "турмуш курган ва менинг турмуш ўртоғим АҚШ фукароси ёки АҚШ Қонуний Доимий Резиденти"ни танласангиз, турмуш ўртоғингиз ҳақидаги кейинги маълумотларни кирита олмайсиз. Оила аъзолари ҳақида қўшимча маълумот учун Кўп Сўраладиган Саволларни кўринг.

15. Фарзандлар сони – Аризага барча ҳаёт бўлган, турмуш қурмаган ва 21 ёшдан кичик фарзандларингизнинг исмлари ва фамилиялари, туғилган саналари, жинслари, туғилган жойлари ва туғилган мамлакатларини киритинг. Бунда, бу фарзандлар сиз билан яшаши ёки яшамаслиги, АҚШга иммиграция қилсангиз бирга бориши ёки бормаслиги ёки кетганингиздан сўнг сиз билан АҚШда бирлашиш истаги бор ёки йўқлиги эътиборга олинмайди. Ҳар бир фарзандингиз учун ўзингизнинг фотосуратингиз каби бир хил техник

талабларга мувофик шахсий фотосуратлар топширинг.

Қуйидагиларни албатта киритинг:

- о Барча ҳаёт бўлган туғишган фарзандларингизни;
- о Барча ҳаёт бўлган, сиз қонуний равишда асраб олган фарзандларингизни;
- Барча ҳаёт бўлган ўгай фарзандларингизни, агар улар турмуш қурмаган ва электрон аризангизни топшираётган кун ҳолатига 21 ёшдан ошмаган бўлсалар. Бу фарзандларни ҳатто уларнинг ота/онаси билан қонуний никоҳда бўлмасангиз ҳам ва ҳатто бу фарзанд ҳозирги вақтда сиз билан бирга яшамаса ҳам ва/ёки бу фарзанд сиз билан биргаликда иммиграция қилмаса ҳам киритиш шарт.

Турмуш қурган ва ариза топширилаётган кун ҳолатига 21 ёшдан ошган фарзандлар DV дастурида қатнашиши мумкин эмас. Бироқ, Болалар Мақомини Ҳимоялаш Акти баъзи ҳолларда болаларни "ёши ўтиб кетишидан" ҳимоялайди. Агар DV дастурига аризани турмуш қурмаган фарзандингиз 21 ёшга тўлишидан аввал киритган бўлсангиз, ва фарзандингиз виза берилишидан аввал 21 ёшга тўлса, унга нисбатан виза жараёнлари мақсадида 21 га тўлмаган шахс сифатида муносабат кўрсатилиши мумкин.

Аллақачон АҚШ фуқароси ёки қонуний доимий резиденти бўлган фарзандингизга DV визаси керак бўлмайди ва бундай виза берилмайди; бундай оила аъзоларингизни аризангизга киритишингиз ёки киритмаслигингиздан қатъий назар, сизга нисбатан ҳеч қандай чора кўрилмайди.

Талабларга жавоб берувчи барча фарзандларни аризада кўрсатмаслик ёки фарзандингиз бўлмаган шахсни аризангизга киритиш сизни дастурдан четлатилишингизга шунингдек турмуш ўртоғингиз ва фарзандларингизни хам четлатилишига олиб келади. Оила аъзолари ҳақида қўшимча маълумот учун Кўп Сўраладиган Саволларни кўринг.

DV-2022 дастурига электрон аризани тўлдириб топшириш ҳақида қўшимча маълумот учун <u>Кўп</u> <u>Сўраладиган Саволларни</u> кўринг.

Иштирокчиларнинг сараланиши

Давлат Департаменти шахсларни, ҳар бир минтақа ва давлатга тақсимланган визалар мавжудлиги асосида, барча мувофиқ аризалар орасидан компьютер томонидан амалга ошириладиган тасодифий танлов орқали саралайди. DV-2022 дастурининг барча иштирокчилари Е-DVнинг Интернет саҳифасига кириб, DV-2022га электрон ариза топшириш вақтида сақлаб қўйган махсус ҳусусий тасдиқлов рақамларидан фойдаланиб, Аризачи Мақомини Текшириш Функцияси (Entrant Status Check) орқали ўз аризаларининг DV дастури учун сараланганини аниқлашлари мумкин. Е-DVнинг dvprogram.state.gov Интернет саҳифасидаги Аризачи Мақомини Текшириш (Entrant Status Check) функцияси 2020 йил, 8- майдан бошлаб 2022 йил, 30- сентябрга қадар мавжуд бўлади.

Агар аризангиз сараланган бўлса, сиз қўшимча кўрсатмалар ҳамда АҚШга иммиграцияга боғлиқ тўловлар ҳақидаги маълумот жойлашган тасдиқлов саҳифасига йўналтириласиз. Аризачи Мақомини Текшириш Функцияси (Entrant Status Check) Давлат Департаменти DV-2022да сараланган иштирокчиларининг дастурда ғолиб бўлганларини хабар қилишининг ЯГОНА йўли бўлади. Давлат Департаменти ғолибларга хабарномаларни почта орқали жўнатмайди ёки

сараланганларни электрон почта орқали хабардор қилмайди. АҚШ элчихоналари ва консулликлари сараланганлар рўйхатини такдим этмайдилар. Аризалари сараланмаган шахслар ҳам ФАҚАТ Интернетда Аризачи Мақомини Текшириш Функцияси (Entrant Status Check) орқали хабардор этиладилар. Аризачи Мақомини Текшириш Функцияси (Entrant Status Check)га ўзингиз шахсан киришингизни қатъиян маслаҳат берамиз. Аризангизни текширишни ва сизни хабардор қилишни бировга ишониб топширманг.

АҚШга иммиграция қилиш учун, DV (турли миллатга мансуб иммигрантлар визалари дастури) ғолиблари АҚШ Иммиграция Қонунчилигига мувофиқ барча виза олиш талабларига жавоб беришлари шарт. Электрон равишда тўлдирилган Онлайн Иммиграцион Виза ва Мурожаатчини Рўйхатга Олиш Анкетаси — DS-260да электрон равишда ва консуллик ходими сухбат пайтида шахсан АҚШ Қонунчилигига асосан Сизнинг АҚШ иммиграцион визасини олиш талабларига жавоб беришингиз бўйича саволлар сўрайди. Бу саволларга жиноий ва хавфсизликка оид мавзулар киради.

Барча сараланганларга ва уларнинг оила аъзоларига визалар 2022 йил 30 сентябрга қадар берилиши шарт. Давлат Департаменти мазкур кундан сўнг хеч қандай холатда турли миллатларга мансуб иммигрантлар учун визалар бермайди ёки АҚШ Иммиграция ва Фукаролик Хизмати (USCIS) мақом ўзгартиришларини маъкулламайди; шу билан бирга, мазкур санадан сўнг оила аъзолари хам ўзлари рўйхатдан ўтган аризадаги асосий иштирокчига АҚШда қўшилиш учун турли миллатларга мансуб иммигрантлар учун визаларни ололмайдилар.

Иштирокчиларни саралаш жараёни ҳақида қўшимча маълумот учун <u>Кўп Сўраладиган Саволларни</u> кўринг.

Ракамли фотосурат (тасвир) топшириш

Сиз янги рақамли фотосурат олишингиз ёки охирги олти ой ичида олинган тайёр чоп этилган фотосуратни рақамли сканерден ўтказишингиз мумкин. Бунда суратингиз қуйида келтирилган тузилиш ва техник хусусиятларга мувофик бўлиши лозим. DV дастури учун фотосуратларга кўйиладиган талаблар АҚШ виза фотосуратларига тегишли сифат ва тузилиш талаблари билан бир хил. Талабларга жавоб берувчи фотосуратлар билан мазкур сахифада танишишингиз мумкин. Олти ойдан кўп муддат аввал олинган ёки куйида келтирилган барча талабларга жавоб бермайдиган фотосуратларни топширманг. Ўтган йилги дастурга топширилган, ўзгартирилган ёки куйида келтирилган талабларга мувофик бўлмаган суратларни топшириш дастурдан четлатилишга олиб келади.

Фотосуратларга талаблар:

- Рангли
- Равшан (фокусда)
- Бош (бошнинг соч тепасидан, ияк учигача бўлган қисми ўлчанади) 22мм дан 35 ммгача (1 дюйм ва 1 3/8 дюймгача) ўлчамда бўлиши ёки тасвирнинг жами узунлигининг 50 фоизидан 69 фоизигача бўлган қисмини қоплаши керак. Ўлчам талабларини батафсил Фотосурат Тузилиш Шаблони сахифасида кўриб чикинг.
- Жорий ташқи кўринишингизни тасвирлаш учун сўнгги олти ой ичида олинган.
- Оқ ёки оқ рангга яқин бир хил рангдаги фонда туширилган
- Суратга олинган шахс тўгри фотоаппаратга юзланиб туриши лозим
- Юз ифодаси нейтрал ва иккала кўз очик холда бўлиши керак
- Кундалик хаётда кийиб юрадиган кийимингизда туширилган
- Суратга униформа кийиб тушиш мумкин эмас, кундалик кийиб юриладиган диний кийимлар

- бундан мустасно
- Соч ва соч чегараларини тўсиб турувчи рўмол ёки бош кийимда суратга тушманг, агар бундай бош кийим диний эътикодга боғлик бўлмаса. Юзингиз бутунлай кўриниб туриши шарт ва бош кийим юзга соя ташламаслиги керак.
- Фотосуратда қулоққа тақилувчи мусиқа эшитиш, телефонда сўзлашиш ёки шуларга ўхшаш бошқа воситаларга рухсат этилмайди.
- Кўзойнак тақиб суратга тушманг.
- Агар одатда эшитиш аппарати ёки шу каби буюмлар тақсангиз, фотосуратда уларни тақиш мумкин.

Талабларга жавоб берадиган ва жавоб бермайдиган фотосуратлар намуналарини кўриш учун Фотосурат Намуналарини кўздан кечиринг. Хайдовчилик гувохномалари ва бошка расмий хужжатлардан нусхаси олинган ёки сканердан ўтказилган фотосуратлар кабул килинмайди. Шунингдек, норасмий фотосуратлар (айнан хужжатлар учун туширилмаган), журнал фотосуратлари, фотобудкаларда туширилган ёки телефонда туширилган сифати паст фотосуратлар хамда бутун бўйли фотосуратлар хам кабул килинмайди.

Аризангизга рақамли тасвирингизни юклашингиз шарт. Рақамли тасвирингизга талаблар:

- Сурат JPEG форматида бўлиши зарур.
- Суратнинг файл ҳажми 240 (икки юз ҳирҳ) килобайтдан (240kB) ошмаслиги зарур.
- Сурат квадрат мутаносибликда (эни ва баландлиги тенг) бўлиши шарт.
- Ўлчамлари 600 х 600 пиксель ўлчамда бўлиши керак.

Тайёр фотосуратни сканердан ўтказмоқчимисиз? Рақамли тасвирларга талабларга қўшимча равишда, тайёр суратингиз яна қуйидаги талабларга жавоб бериши керак:

- 51мм х 51 мм ўлчамда (2 дюйм х 2 дюйм)
- бир дюймга камида 300 пиксель равшанликда (бир миллиметрга 12 пиксель) сканердан ўтказилган.

Давлат Департаментининг бепул фотосурат асбобини қўллаб:

- компьютерингизда сақланган фотосуратни танланг
- керак бўлса, сурат ўлчамини ёки холатини ўзгартиринг
- суратни аниқ 600 х 600 пиксель ўлчамида кесинг

Гўдаклар ёки ёш болаларнинг суратини олиш

Гўдак ёки ёш болангизнинг суратини олаётганда суратда бошқа бирор шахс тушиб қолмаслиги керак. Бола очиқ кўзлари билан фотоаппаратга қараб тушиши керак.

1-маслахат: Гўдакни оқ ёки оққа яқин бир хил рангли чойшабга орқаси билан ётқизинг. Шунда боланинг боши тиралиб туради ва бир хил рангли фон таъминланади. Боланинг юзида соялар йўқлигига ишонч ҳосил қилинг, айниқса суратни тепасидан тушираётган бўлсангиз.

2-маслахат: Болалар учун махсус автомобиль ўриндиғини оқ ёки оққа яқин бир хил рангли чойшаб билан қопланг ва болангизнинг суратини шу ўриндикда олинг. Бунда ҳам боланинг боши тиралиб турган бўлади.

КЎП СЎРАЛАДИГАН САВОЛЛАР

ТАЛАБЛАР

1. "Мувофиклик", "худудида туғилган" ва "тегишлилик" иборалари нимани англатади?

<u>Худудида туғилган шахс</u> ибораси кимнингдир бирор давлатда туғилганини англатади ва бунда мазкур шахснинг ҳозир яшаётган давлати ва фукаролигининг аҳамияти йўқ. Иммиграция ва фукаролик ҳақида Қонуннинг 202(б) бўлимига кўра <u>ҳудудида туғилган шахс</u> атамаси, шунингдек, маълум бир шахс туғилган давлатдан ташқари у <u>тегишли</u> бўлган давлатни ҳам назарда тутиши мумкин.

Муайян мамлакат ёки жўғрофий худуддан кираётган иммигрантлар сонига микдорий чекловлар ўрнатилгани учун ҳар бир шахс маълум мамлакатга тегишли деб белгиланади. Сизнинг тегишлилигингиз қайси бир давлатнинг микдорий чекловига нисбатан саналишингизга тааллуқли бўлади. Одатда, сизнинг дастурга мувофик давлатингиз сизнинг туғилган давлатингиз билан бир хил бўлади. Бирок, сиз ўзингизнинг дастурга мувофик давлатингиз сифатида турмуш ўртоғингизнинг туғилган давлатини ёки ота-онангиздан бирининг туғилган давлатини (агар сиз улар туғилмаган давлатда туғилган бўлсангиз ва улар сиз туғилган вақтда ўша давлатда доимий истикомат қилмаган бўлсалар) ҳам танлашингиз мумкин. Булар сизнинг қайси давлатга тегишлиликни танлашингизнинг ягона учта йўлидир.

Мувофиқ давлатда туғилганлик ёки тегишлиликни нотўғри кўрсатиш (асосли равишда даьвони исботлай олмаслик) аризанинг дастурдан четлатилишига олиб келиши мумкин.

2. Мувофик давлатда туғилмаган бўлсам хам иштирок этишим мумкинми?

Бунинг учун икки холатдагина сиз дастурга ариза бериш талабларига мос бўлишингиз мумкин. Биринчиси, агар турмуш ўртоғингиз мувофик давлатда туғилган бўлса, сиз турмуш ўртоғингиз туғилган давлатга тегишлиликни даъво қилишингиз мумкин. Сизнинг мувофиклигингиз турмуш ўртоғингизга боғлиқ бўлганлиги сабабли, сизнинг турмуш ўртоғингиз виза талабларига жавоб бериб, бу визани олишга муваффак бўлмагунга қадар, сиз иммиграцион визасини олмайсиз. Сиз DV визаларингиздан фойдаланиб, Америка Қўшма Штатларига турмуш ўртоғингиз билан бирга киришингиз керак бўлади. Шу тарзда балоғатга етмаган фарзандингиз ҳам ота-онасининг туғилган давлатига "тегишлилик"ни даъво қилиши мумкин.

Иккинчи холат, фақат ота-онангизнинг бирортаси ҳам туғилишингиз пайтида номувофиқ давлатда қонуний истиқомат қилувчи мақомида бўлмаганлиги шарти билан, сиз ота-онангиздан бирининг туғилган давлатига "тегишли" бўлишингиз мумкин. Умуман, агар одамлар маълум давлатда туғилмаган ёки қонуний фуқаро бўлмай туриб бу давлатга шунчаки келган, вақтинчалик ўқиш учун ёки сиз туғилган давлатдан фарқли бошка мамлакатга тегишли ташкилот ёки ҳукумат номидан бу давлатда мутахассислик ёки бизнес сабаблари туфайли яшаб турган бўлса, улар давлатнинг қонуний истиқомат қилувчиси ҳисобланмайди.

Агар сиз бошқа давлатга тегишлиликка даъво қилсангиз, сиз мазкур маълумотни E-DV аризасининг 6-саволида кўрсатиб ўтишингиз даркор.

Мувофиқ давлатда туғилганлик ёки тегишлиликни нотўғри кўрсатиш (асосли равишда даьвони исботлай олмаслик) аризанинг дастурдан четлатилишига олиб келиши мумкин.

3. Нега баъзи давлатларда туғилган шахслар турли миллатларга мансуб иммигрантлар визалари дастурида қатнаша олмайди?

Турли миллатларга мансуб иммигрантлар учун визалар (DV) "кўп сонли иммигрантлар жўнатувчи» мамлакатлардан бўлмаган шахсларга иммиграция имкониятини беришга қаратилган. АҚШ қонунларида белгиланишича, "кўп сонли иммигрантлар жўнатувчи» давлатлар сирасига худудидан оилавий ва меҳнат виза тоифаларида АҚШга сўнгги беш йил давомида жами 50000 та одам кўчиб келган мамлакатлар киради. Ҳар йили, АҚШ Фуқаролик ва Иммиграция Хизмати (USCIS) худудида туғилган шахслар турли миллатларга мансуб иммигрантлар виза дастури (DV) учун номувофик давлатларни аниклаш мақсадида сўнгги беш йил ичидаги оилавий ва меҳнат иммигрантлари ва мақомини ўзгартириш ҳолатлари сонини кўшиб, ҳисоблаб чиқади. Бундай ҳисоб-китоб ҳар йили амалга оширилгани сабабли ҳудудида туғилган шахслар мувофик бўлмаган давлатлар рўйхати йилдан-йилга ўзгариб туриши мумкин.

4. Ҳар бир мувофиқ давлат ва минтақада туғилган шахсларга DV-2022 визалари қандай миқдорда тақсимланади?

Иммиграция ва Фукаролик Актининг (INA) 203(c)-бўлимида белгиланган формуладан фойдаланиб, АҚШ Фукаролик ва Иммиграция Хизматлари (USCIS) хар йил учун DVнинг минтакавий чекловларини аниклайди. Окибатда хар бир давлатда туғилган шахсларга Давлат Департаменти берадиган визалар сони минтакавий чекловлар хар бир давлатдан топширилган аризалар сони ва сараланганлар орасида нечтаси виза олиш талабларига жавоб беришига боғлиқ бўлади. Хеч бир давлатда туғилган шахсларга дастурда мавжуд визаларнинг етти фоизидан ортиғи берилмайди.

5. Таълим ва иш тажрибасига талаблар қандай?

АҚШ Иммиграция қонунлари ва меъёрий ҳужжатлари талабларига кўра ҳар бир DV иштирокчиси энг камида ўрта ёки унга тенглаштирилган таълимга, ёки сўнгги беш йилда икки йиллик малака ёки таълим талаб қилувчи ишда икки йиллик тажрибага эга бўлиши керак. "Ўрта ёки унга тенглаштирилган таълим" тушунчаси Америка Қўшма Штатларида бошланғич ва ўрта таълимдан иборат ўн икки йиллик ўкишни муваффақиятли ниҳоялаш ЁКИ бошқа давлатда Қўшма Штатлардаги ўрта таълимга тенг расмий бошланғич ва ўрта таълимни муваффақиятли тамомлашни билдиради. Фақат расмий таълим йўналишлари шу талабга жавоб беради; сиртқи таълим ёки тенглаштирилган таълим гувоҳномалари (экстернат таълим шаҳодатномаси) қабул қилинмайди. Таълим ёки иш тажрибасининг ҳужжатлаштирилган далили виза учун суҳбат вақтида консуллик бўлими ходимига кўрсатилиши шарт.

Агар сиз таълим ёки иш тажрибаси талабларига жавоб бермасангиз, сизнинг аризангизга рад жавоби берилади ва сизга ёки ҳеч бир оила аъзоларингизга визалар берилмайди.

6. Қайси касблар турли миллатларға мансуб иммигрантлар учун визалар дастуриға мос келади?

Давлат Департаменти мехнат малакасининг мувофиклигини аниклаш учун АҚШ Мехнат Департаментининг (МД) O*Net OnLine маълумотлар базасидан фойдаланади. Мехнат Департаментининг (МД) O*Net Online Database маълумотлар базасидаги мехнат малакаси гурухлари бешта "иш соҳаларига" бўлинади. МД веб саҳифасида кўплаб касблар санаб ўтилганига карамасдан, уларнинг барчаси ҳам турли миллатларга мансуб иммигрантлар учун визалар дастури талабларини қондирмайди. Меҳнат малакангизга асосланиб, турли миллатларга мансуб иммигрантлар учун визага мувофик бўлиш учун сиз сўнгги беш йил ичида Махсус Касбий

Тайёргарлик (SVP) доирасида 7.0 ёки ундан юқори гуруҳга киритилган ишда икки йиллик малакага эга бўлишингиз керак.

Агар сиз таълим ёки иш тажрибаси талабларига жавоб бермасангиз, сизнинг аризангизга рад жавоби берилади ва сизга ёки ҳеч бир оила аъзоларингизга визалар берилмайди.

7. Мехнат Департаментининг веб-сайтидаги O*Net Online Database маълумотлар базасидан мувофик касбларни қандай қилиб топаман?

O*Net Online Database маълумотлар базасига кирганингиздан сўнг касбингизнинг мувофиклигини билиш учун куйидаги тартибда иш тутинг:

- 1. "Find Occupations" (Касбларни топиш) га кириб, у ерда махсус бўлим "Job Family" (касбий соҳа) ни танланг;
- 2. "Job Family" рўйхатини кўздан кечириб, керакли тоифани танлаб, "GO"ни (Қидирув) босинг;
- 3. Сўнгра, айнан сизнинг касбингизга тегишли манзилни танланг.
- 4. Job Zone (Иш соҳаси) бўлинмасини танлаб, у ердан Иш соҳаси рақами ва Махсус Касбий Тайёргарлик (SVP)даги рейтинг баҳоланишини топинг.

Мисол учун, «Aerospace Engineering» (Аэрофазо мухандислиги) ни танланг. Аэрофазо Мухандислари учун Умумий Хисоботнинг остида, Иш сохаси бўлимида сиз Иш Сохасининг рақами 4 ва Махсус Касбий Тайёргарлик (SVP)даги рейтинг 7,0 дан <8.0 гача эканлигини кўрасиз. Ушбу мисолга қарасак, Аэрофазо Мухандислиги дастур талабларига мувофик иш сохаси хисобланади.

Қушимча маълумотлар учун <u>Турли Миллат Вакиллари учун Иммиграцион Визалар Лотереяси – Касблар Руйхатини</u> куринг.

8. E-DV дастурида иштирок этувчилар учун энг кам ёш чегараси борми?

Дастурда иштирок этиш учун энг кам ёш чегара талаби йўқ, бироқ ҳар бир иштирокчи учун ариза қабул қилиш вақтида қўйилган ўрта таълим ёки иш малакасига эга бўлиш талаби 18 ёшдан кичик бўлган аксарият шахсларни самарали четлатади.

DV ДАСТУРИ УЧУН ЭЛЕКТРОН АРИЗАНИ ТЎЛДИРИШ

9. Аризамни қачон топширсам бўлади?

DV-2022 аризаларини қабул қилиш Шарқий Ёзги Вақт (EDT) (GMT-4) билан 2020 йил 7 октябрь, чоршанба куни соат 12:00 дан бошлаб, Шарқий Стандарт Вақт (EST) (GMT-5) бўйича 2020 йил, 10 ноябрь, сешанба кунигача бўлган рўйхатга олиш даврида амалга оширилади. Хар йили миллионлаб кишилар ариза топширишади. Аризалар қабул қилиш даврини шу саналарга белгилаш сараланганларни ўз вақтида огоҳлантиришни таъминлайди ҳамда визага мурожаат этувчилар ва бизнинг элчихона ва консулликларимизга виза бериш учун мурожаатларни вақтида тайёрлаш ва тугаллаш учун етарли вақтга эга бўлишларига имкон яратади.

Биз рўйхатга олиш даврида барвақт ариза топширишингизни маслахат берамиз. Рўйхатга олиш даврининг сўнггида ўта юкори талаб тизимни секинлатиб кўйиши мумкин. Биз 2020 йил, 10 ноябрь, сешанба куни EST бўйича 12:00 дан сўнг хеч қандай аризаларни қабул қилмаймиз.

10. Мен АҚШдаман. DV дастурига ариза топширсам бўладими?

Xa, аризачи АҚШ ёки бошқа давлатдан туриб ариза топшириш мумкин. Ариза исталган жойдан топширилиши мумкин.

11. Руйхатга олиш даврида факат бир марта ариза топширишим мумкинми?

Ха, қонун бўйича хар рўйхатга олиш даврида бир шахс учун факат битта аризага рухсат берилган. Давлат Департаменти бирдан ортик аризалар топширган шахсларни аниклаш учун мураккаб технологияларни кўллайди. Биттадан ортик ариза топширганлар дастурдан четлатиладилар (дисквалификация).

12. Нима сабабдан DV дастурида қатнашишим учун паспортим бўлиши шарт? Истиснолар борми?

Амал қилиб турган ва муддати ўтмаган паспортни талаб қилиш DV дастури жараёни ва сизнинг мурожаатингиз хавфсизлигини оширади. Бу қоида асосий ариза берувчининг турмуш ўртоғи ёки болаларига тааллуқли эмас. Паспорт халқаро сафарлар учун яроқли бўлиши шарт. Баъзи мамлакатлар томонидан бериладиган ва фақатгина мамлакат ичида қўллашга мўлжалланган паспортлар бу талабга жавоб бермайди.

Паспорт талабидан истиснолар: АҚШ Давлат Департаментининг қоидалари паспорт талабидан учта чекланган истисноларни такдим этади. Ушбу истиснолар қуйидагилар учун: фукаролиги йўқ шахслар, коммунистик тузумли мамлакатда яшаб туриб ушбу коммунистик тузумли мамлакатдан халқаро сафарлар учун ярокли паспорт ола олмайдиган шахслар ва Давлат Хавфсизлик Котиби ёхуд Давлат Котибидан шахсий истисно учун рухсатномага эга бўлган шахслар. Агар сиз DV аризангизда ушбу истиснолардан бирини танлаган бўлсангиз, сиз танлаган истиснога қандай жавоб берганингизни тушунтиришингиз керак бўлади. Истиснолар факатгина паспорт ола олмайдиган шахсларга нисбатан қўлланилади. Агар сиз паспорт олишнинг кечикиши сабабли истиснони танлаган бўлсангиз, ушбу кечикиш сизнинг назоратингизда бўладими ёки йўқми, сиз ушбу имтиёзга эга бўлмайсиз ва DV визасига ҳам номувофиқ бўласиз.

Фуқаролиги йўқ шахслар: Умуман олганда, фуқароликнинг йўқлиги жуда кам учрайдиган ҳолат. Агар сиз DV аризангизда ушбу истиснога мос келадиган катакчани белгиласангиз, сиз туғилган мамлакатнинг фуқаролигини ўша мамлакат қонунларига биноан олмаганлигингиз ва бошқа фуқаролигингиз йўқлигини тасдиқловчи далилларни тақдим этишингиз керак бўлади.

Коммунистик тузумли мамлакат фукаролари: Агар сиз DV аризангизда ушбу истиснога мос келадиган катакчани белгиласангиз, сиз ўзингизнинг ҳукуматингиздан паспорт ололмаслигингизни тасдикловчи далилларни такдим этишингиз керак.

Шахсий имтиёзга эга бўлган шахслар: Агар сиз DV аризангизда ушбу истиснога мос келадиган катакчани белгиласангиз, сиздан паспорт ололмаслигингиз тўгрисида далил ва шахсий имтиёзни олганингиз сабабларини такдим этишингиз талаб қилинади, масалан:

- 1) Сиз паспорт ололмаганиз учун сизга аввалги АҚШ визаси DS-232 формасида берилган ва илгари паспорт истисносини олишда қўлланилган сабаблар ҳанузгача амал қилади;
- 2) Сиз паспорт ололмаганиз учун USCIS томонидан маъкулланган I-193 формаси мавжуд ва илгари паспорт истисносини олишда кўлланилган сабаблар ханузгача амал қилади; ёки
- 3) Сиз ўз фукаролик давлатингиздан бошка давлатда кочок макомини олганингизни

кўрсатадиган хужжатлар мавжуд, чунки сиз ўз давлатингиз хукумати томонидан таъқибга учраганингиз сабабли, ушбу хукуматдан қўшимча зарар кўрмасдан паспорт олишингиз имконсиздир.

Агар сиз юқорида таъкидланган таълим ёки иш тажрибаси талабларига жавоб бермасангиз ёки ариза киритиш пайтида амал қилувчи паспортингиз бўлмаса, DV аризасини топширмасликни ўйлаб кўришингиз керак. Агар сиз виза олишга номувофик деб топилсангиз, виза мурожаати учун тўлаган ҳар қандай тўловларингиз қайтариб берилмайди.

13. Визага мурожаат этишдан аввал паспортимнинг амал қилиш муддати тугаса ёки уни йўқотиб қўйсамчи?

Агар сизнинг паспорт ракамингиз бирор сабабга кўра ўзгарса, бунинг сабабини тушунтирувчи далилларни АҚШ Давлат Департаментининг Кентукки Консуллик Марказига (ККМ) DV дастури бўйича сухбат кунингиз белгиланишидан аввал такдим этишингиз керак бўлади. Агар сиз калбаки, нотўгри ёки талабга жавоб бермайдиган паспорт ракамини DV аризангизга киритган бўлсангиз сиз дастурдан четлатиласиз. Маслахатимиз: DV дастурига аризангизда кўллаган паспортингиздан тиник ва сифатли нусха олиб, ушбу нусхани ариза тасдиклов ракамингиз (Кўп сўраладиган саволлардаги 27-савол) билан биргаликда тайинли, хавфсиз жойда сакланг. Фотонусханинг ўзи талабларни кондирувчи паспорт маълумотини киритганингизни исботлай олмайди, лекин сизга холатни тушунтириб беришингизга ёрдам бериши мумкин. Якуний карорни сиз билан DV мурожаатингиз бўйича сухбат ўтказадиган консул қабул қилади.

14. Мен ва турмуш ўртоғим хар биримиз алохида ариза топширишимиз мумкинми?

Ха, агар эр билан хотиннинг хар бири мувофиклик талабларини қондира олса, алохида ариза топширишлари мумкин. Агар бири танланса, иккинчиси яқин қариндош сифатида мурожаат этиш хуқуқига эга бўлади.

15. DV аризамга оила аъзоларимнинг қайсиларини киритишим шарт?

Турмуш ўртоғингиз: Агар қонуний никохда бўлсангиз, турмуш ўртоғингизни бирга яшаш ёки яшамаслигингиздан ёки унинг сиз билан АҚШга иммиграция қилиш нияти бор ёки йўқлигидан қатъий назар, аризангизга киритишингиз шарт. Сиз турмуш ўртоғингиздан алохида яшаётган бўлсангиз хам, факатгина сиз конуний расмийлаштирилган холда алохида яшаётган бўлмасангиз, турмуш ўртоғингизни аризангизда кўрсатишингиз шарт. Қонуний алохида яшаш бу суд қарорига асосан эр-хотин никохда қолиши лекин алохида яшашини белгиловчи битимдир. Агар сиз турмуш ўртоғингиз билан қонуний алохида яшаётган бўлсангиз, сизнинг турмуш ўртоғингиз сиз билан DV дастури орқали күчиб кета олмайди. Агар қонуний алохида яшаётган турмуш уртоғингизнинг исмини аризангизда кўрсатсангиз хам бунинг учун сиз жазоланмайсиз. Агар сизнинг алохида яшашларингиз суд буйруғига асосланган бўлмаса, у холда турмуш ўртоғингизни киритишингиз шарт, хаттоки сиз DV визасига мурожаат этишдан аввал ажрашмокчи бўлсангиз хам. Талабларга мувофик турмуш ўртоғингизни аризага киритмаслик ёки конуний турмуш ўртоғингиз бўлмаган шахснинг маълумотларини киритиш дастурдан четлатилишга (дисквалификация) асосдир. Агар ариза топшираётган вақтингизда қонуний никохдан ўтмаган бўлсангиз, лекин келажакда никохингизни руйхатдан ўтказишни режалаштираётган булсангиз, аризангизда турмуш ўрток хакида маълумотлар киритманг, чунки бу дастурдан четлатилишингизга (дисквалификацияга) олиб келади. Агар қонуний ажрашған булсангиз ёки турмуш уртоғингиз вафот этган булса, собик турмуш ўртоғингизнинг исмини аризангизга киритишингиз шарт эмас.

Бу талабдан ягона истисно сизнинг турмуш ўртоғингиз аллақачон АҚШ фуқароси ёки АҚШ қонуний доимий истиқомат қилувчиси эканлиги. Агар турмуш ўртоғингиз АҚШ фуқароси ёки АҚШ қонуний доимий истиқомат қилувчиси бўлса, уни аризангизда кўрсатманг. Аллақачон АҚШ фуқароси ёки АҚШ қонуний доимий истиқомат қилувчиси бўлган турмуш ўртоғингизга DV визаси керак бўлмайди ва бундай виза берилмайди. Шунинг учун, агар сиз аризада "турмуш курганман ва менинг турмуш ўртоғим АҚШ фуқароси ёки АҚШ Қонуний Доимий Резиденти"ни танласангиз, турмуш ўртоғингиз ҳақидаги кейинги маълумотларни кирита олмайсиз.

Фарзандлар: Сиз БАРЧА ҳаёт бўлган, аризангизни топшириш вақтида 21 ёшга етмаган ва турмуш қурмаган фарзандларингизни, шу жумладан сизнинг туғишган фарзандларингиз, ўгай фарзандларингиз (ҳатто шу фарзанднинг отаси ёки онасидан ажрашган бўлсангиз ҳам), турмуш ўртоғингизнинг фазандларини ва тегишли қонунлар асосида асраб олган фарзандларингизни аризангизга киритишингиз шарт. Ҳатто DV аризасини тўлдираётган вақтингизда 21 ёшдан кичик бўлган болаларингиз сиз билан бирга яшамаса ёки уларнинг DV дастури бўйича иммиграция қилишини кўзламасангиз ҳам уларни аризага киритинг. Сиздан аллақачон АҚШ фуқароси ёки Қонуний Доимий Резиденти бўлган фарзандларни киритиш талаб қилинмайди, гарчи уларни аризага киритганингиз учун сизга нисбатан ҳеч қандай чора кўрилмаса ҳам.

Ариза берувчининг ота-онаси, ака-ука ва опа-сингиллари оила аъзолари сифатида DV визаларини ола олмайдилар. Шу сабабли бу оила аъзоларингизни аризага киритманг.

Аризангизга оила аъзоларингизни киритсангиз, улар визага мурожаат этишлари, сиз билан иммиграция қилишлари ёки бирга сафар қилишлари мажбурий эмас. Бирок, агар сиз қарамоғингиздаги дастур талабларига мувофик бўлган оила аъзоингизни дастлабки аризангизга киритмасангиз, сизни дастурдан четлатилишингизга шунингдек турмуш ўртоғингиз ва фарзандларингизни ҳам четлатилишига олиб келади. Бу ҳолат фақат дастлабки ариза топширилган вақтдаги оила аъзоларига тегишли бўлиб, кейин қўшилганларга тааллуқли эмасдир. Сизнинг турмуш ўртоғингиз сизнинг аризангизга киритилганига қарамасдан алоҳида аризасини топшириши мумкин ва шу билан бирга иккала ариза ҳам оилангиз қарамоғидаги барча оила аъзолар ҳақида маълумотларни ўз ичига олган бўлиши керак. Юқоридаги 14-саволга га қаранг.

16. Аризамни шахсан ўзим топширишим шартми ёки бирор киши менинг ўрнимдан топшириб бериши мумкинми?

Сизни аризангизни ўзингиз тайёрлаб топширишга ундаймиз, лекин бирор бошқа киши аризани сизнинг номингиздан киритиши мумкин. Аризани шахсан ўзингиз топширсангиз ҳам, ёки юрист, дўст, қариндош ва бошқалар номингиздан топширса ҳам, бир шахс номидан фақатгина битта ариза топширилиши мумкин. Сиз, яъни мурожаат этувчи, аризангиздаги маълумотнинг тўгри ва тўликлигига жавобгарсиз; нотўгри ва тўлик тўлдирилмаган аризалар дастурдан четлатилиши мумкин. Мурожаат этувчилар ўзларининг тасдиклов ракамларини ўзларида олиб колишлари керак, чунки унинг ёрдамида ўзлари мустакил равишда ўз аризаларининг макомларини dvprogram.state.gov саҳифасида Аризачи Макомини Текшириш Функцияси (Entrant Status Check) орқали текшира оладилар. Мурожаатчилар Е-DVда кўрсатган электрон почтага кириш ҳуқуқларини сақлаб қўйишлари керак.

17. Мен аллақачон бошқа тоифадаги иммиграцион виза учун руйхатга олинганман. Шунга қарамасдан DV дастурида иштирок этишим мумкинми?

18. E-DV аризасини Интернетдан компьютерга кўчириб олиб, матн тахрирчи дастурда сақлаб, кейинроқ тугатишим мумкинми?

Йўқ, сиз ариза формасини бошқа дастурда сақлаб қўйиб, кейин тўлдириб, топширишингизнинг имкони йўқ. E-DV ариза формаси веб шаклида холос. Маълумотлар он-лайн режимида киритилиши ва топширилиши талаб қилинади.

19. E-DV аризасини Интернетда онлайн режимида сақлаб қуйиб, кейинроқ тугатишим мумкинми?

Йўк. E-DV ариза формаси бир вақтда тўлдирилиб, топшириладиган қилиб яратилган. Ариза шаклини юклаб олган вақтингиздан бошлаб, уни тўлдириб E-DV Интернет сахифаси орқали топширишингиз учун олтмиш (60) дақиқа вақт берилади. Агар сиз олтмиш дақиқали чекланган вақт давомида тўлиқ аризангизни топширишга улгурмасангиз, барча аллақачон киритилган маълумотларингиз ўчириб ташланади. Тизим тўлиқ бўлмаган барча аризаларни ўчиришининг сабаби — бундай аризалар кейинчалик топширилган тўлиқ аризаларнинг такрорий нусхаси (дубликати) деб хато қилинишининг олдини олишдир. Турли Миллатларга Мансуб Иммигрантлар Визалари (DV) Дастури Йўрикномаларини аризани тўлдиришни бошлашдан аввал ўкиб чикинг. Шунда сизга қандай маълумотлар кераклигини аниқ биласиз.

20. Агар менда сканердан фойдаланиш имкони бўлмаса, фотосуратларимни АҚШда бирор кишига жўнатиб, сканердан ўтказдириб, сақлаб, менга юборишини сўрашим ва шу жўнатилган фотосуратларни аризамда ишлатишим мумкинми?

Ха, фотосурат йўрикномадаги талабларга жавоб берса ва E-DV аризаси билан бир вактда электрон шаклда топширилса, бунга йўл кўйилади. Сиз фотосуратни аввалдан сканердан ўтказиб кўйиб, сўнг унинг файлини он-лайн режимида анкета билан топширишингиз лозим. Фотосуратни он-лайн аризадан алохида топшириш мумкин эмас. Бутун ариза (фотосурат ва ариза биргаликда) АҚШ ёки хориждан электрон тарзда топширилиши мумкин.

21. Агар менинг E-DV аризамни тизим рад этса мен аризамни қайта топширсам бўладими?

Ха, аризангиз 2020 йил 10 ноябрь, сешанба куни Шарқий Стандарт Вақт (GMT-5) буйича 12:00 гача тулдирилиб топширилса булгани. Е-DV тизими биринчи аризангизни рад этса, қайта ариза топширганингиз учун сизга нисбатан жазо чораси курилмайди. Интернетнинг ҳаракатларини олдиндан айтиш мураккаблиги туфайли, рад этилганлик хақидаги хабарни дарҳол олмаслигингиз мумкин. Сиз токи тулиқ ариза қабул қилиб олиниб, тасдиқ хабари жунатилгунга қадар, неча марта зарур булса, шунча марта ариза топширишга харакат қилишингиз мумкин. Тасдиқлов хабарини олганингиз аризангиз топширилганидан дарак беради ва бу хабарнома олингач, аризани қайта топширишга ҳаракат ҚИЛМАНГ.

22. Аризамни топширганимдан кейин электрон тасдиклов хабарномасини канчалик тез оламан?

Тасдиқлов хабарномаси, шу жумладан, сиз ёзиб олиб, сақлаб қўйишингиз зарур бўлган тасдиқлов рақами сизга дархол етиб келиши керак. Аммо Интернет системаларининг фаолиятини олдиндан айтиш мураккаблиги баъзи кечикишларга сабаб бўлиши мумкин. Тўлиқ ариза қабул қилиниб, тасдиқ хабари жўнатилгунча "SUBMIT" тугмасини қайта-қайта босишингиз мумкин. Бироқ, тасдиқловчи маълумотлар саҳифаси чиққандан сўнг ўзингизнинг маълумотларингизни қайта киритманг.

23. Мен SUBMIT тугмасини босдим, лекин тасдиклов ракамини олмадим. Агар мен бошка ариза топширсам, дастурдан четлатиламанми?

Агар сиз тасдиқлов рақамини олмаган бўлсангиз, сизнинг аризангиз рўйхатдан ўтмаган. Сиз бошқа ариза топширишингиз керак. Бу такрорий деб ҳисобланмайди. Тасдиқлов рақамини олганингиздан сўнг, маълумотларингизни қайта топширманг.

ИШТИРОКЧИЛАРНИНГ САРАЛАНИШИ

24. Аризам сараланганини қандай билиб оламан?

2021 йил, 8 майдан то 2022 йил, 30 сентябргача ўз тасдиклов ракамингиздан фойдаланиб, E-DV dvprogram.state.gov веб сахифасидаги Аризачи Макомини Текшириш Функцияси (Entrant Status Check) га киришингиз мумкин бўлади. Аризачи Макомини Текшириш Функцияси (Entrant Status Check) аризангиз сараланганлиги ҳакида маълумот олиш, мурожаат қилиш жараёнидаги навбатдаги боскичлар билан танишиб чикиш ва иммиграцион визага мурожаат этиш учун суҳбатингиз қачонлигини билишнинг ягона йўли бўлади. Барча мавжуд визаларнинг ишлатилганлигини таъминлаш учун, Давлат Департаменти 2021 йил, 8 майдан кейин кўшимча сараланганларни хабардор этиш учун Аризачи Макомини Текшириш Функцияси (Entrant Status Check)дан фойдаланиши мумкин. Бирор ўзгаришлар эҳтимоли учун тасдиклов ракамингизни 2022 йил, 30 сентябргача саклаб кўйинг. Давлат Департаменти томонидан маъкулланган Турли Миллатларга Мансуб Иммигрантлар учун Визалар (DV) Дастурига ариза бериш ва Аризачи Макомини Текшириш учун Интернетдаги ягона саҳифа - dvprogram.state.gov.

Давлат Департаменти сизнинг аризангиз сараланганини (ғолиб бўлганингизни) сизга хабар қилиш учун сиз билан БОҒЛАНМАЙДИ. (Кўп Сўраладиган Саволларда 24-саволни кўринг)

25. Агар сараланганлар қаторида <u>бўлмасам</u>, буни қандай билиб оламан? Менга хабар келадими?

Агар сизнинг аризангиз танланмаган бўлса Давлат Департаменти сизни тўғридан тўғри хабардор ЭТМАЙДИ. Сиз сараланганлигингизни билиш учун Аризачи Мақомини Текшириш Функциясидан фойдаланишингиз шарт. DV-2022га топширган аризангиз мақомини 2021 йил, 8 майдан то 2022 йил, 30 сентябргача E-DV веб сахифасидаги Аризачи Мақомини Текшириш Функцияси (Entrant Status Check) орқали текширишингиз мумкин. Тасдиқлов рақамингизни камида 2022 йил, 30 сентябргача сақлаб қўйинг. (Ўтган йилги дастур — DV-2021 натижаси ҳақидаги маълумотлар 2021 йил, 30 сентябргача бўлган муддат давомида интернетда мавжуд бўлади).

26. Тасдиклов ракамимни йўкотиб кўйсам нима бўлади?

Аризачи Мақомини Текшириш Функцияси (Entrant Status Check)га кира олишингиз учун тасдиқлов рақамингиз бўлиши шарт. Ҳозирда, Е - DV саҳифасидаги Аризачи Мақомини Текшириш Функцияси (Entrant Status Check)да ўзингизнинг баъзи шахсий маълумотларингизни киритганингиздан сўнг аризангизда кўрсатган электрон почта манзилингизга тасдиқлов рақамини юбориш имконини берувчи функция мавжуд.

АҚШ элчихоналари ва консулликлари ҳамда Кентукки Консуллик Маркази (ККМ) сизнинг мақомингизни текшириш ёки тасдиқлов рақамингизни сизга бевосита тақдим этиш (юқоридаги

Аризачи Мақомини Текшириш Функциясида мавжуд рақамни тиклаш функциясидан ташқари) имкониятларига эга эмаслар. Давлат Департаменти виза жараёнларини давом эттириш учун сараланганлар рўйхатини ТАКДИМ ЭТА ОЛМАЙДИ.

27. Мен Давлат Департаментидан электрон почта ёки оддий почта оркали маълумот оламанми?

Давлат Департаменти сизга хабарнома хати юбормайди. АҚШ хукумати ҳеч қачон танланган шахсларни хабардор этиш учун электрон почта орқали хабарлар жўнатмаган ва DV-2022 дастурида ҳам бу мақсадда электрон почтадан фойдаланиш режалари йўк. Сараланган бўлсангиз, фақатгина Аризачи Мақомини Текшириш Функцияси орқали хабардор этиш кўрсатмаларига жавоб берганингиздан сўнг, электрон почта орқали суҳбатингиз куни ва вақти тўгрисида хат оласиз. Бундай электрон почта хатлари Аризачи Мақомини Текшириш Функцияси орқали суҳбат вақтларини билиб олишга кўрсатма беради холос ва хатнинг ўзида суҳбат белгиланган кун ва вақт ҳақида маълумот бўлмайди. Давлат Департаменти DV дастури мурожаатчиларига Аризачи Мақомини Текшириш функцияси орқали уларнинг аризаларининг мақомини текширишларини эслатиш мақсадида электрон хатлар юбориши мумкин. Бирок, бу хатлар аризачи DV дастурда ғолиб бўлган ёки бўлмаганлигини кўрсатмайди.

Фақатгина манзили ".gov" қушимчаси билан тугайдиган веб саҳифалар расмий АҚШ ҳукумати саҳифалари ҳисобланади. Куплаб бошқа веб саҳифалар (масалан, манзиллари ".com" ёки ".org" ёки ".net" қушимчалари билан тугайдиган саҳифалар) иммиграция ва визага тааллуқли ахборот такдим этишади ва ҳизматлар курсатишади. Давлат Департаменти шу бошқа вебсайтларда берилган ҳеч қандай ахборот ёки материалларни қуллаб-қувватламайди, тавсия қилмайди ёки уларга ҳомийлик курсатмайди.

Баъзи вебсайтлар сизни чалғитиб, ўзларига пул жўнатишга ёки шахсий маълумотларингизни такдим этишга ундаб, сизга электрон почта орқали хат юборишади. Сиздан Давлат Департаментининг travel.state.gov вебсайти ёки АҚШ элчихона ва консуллиги вебсайтларида текин берилувчи иммиграция тартиб-қоидалари ҳақида маълумот ва формалар учун тўлов ундиришга ҳаракат қилиниши мумкин. Қўшимча равишда, ташкилотлар ва вебсайтлар сиздан "Турли миллатларга мансуб иммигрантлар учун визалар" дастурига боғлиқ тўловлар олиб, сизнинг пулингизни ўзлаштиришга ҳаракат қилиши мумкин. Сиз мазкур нодавлат ташкилотлари ёки вебсаҳифалардан бирортасига пулингизни жўнатсангиз, уни қайтиб кўришингиз амри маҳол. Бундан ташқари, мазкур вебсайтларга бирор шахсий маълумотингизни жўнатманг, чунки бу шахсий ахборотингиз ўғирланиши ёки шахсий маълумот ўғирлиги сингари жиноятларга олиб келиши мумкин.

Бу ёлғон электрон почта хатлари ўзини Давлат Департаментининг Кентукки Консуллик Марказига алоқадор деб кўрсатувчи шахслардан келиши мумкин. Шуни эсда тутинки, АҚШ хукумати хеч қачон аризачиларга дастурда ғолиб бўлганликларини хабардор этиш учун электрон хатлар жўнатмаган ва DV-2022 дастурида хам шу мақсадда электрон хатлардан фойдаланиш режаси йўк. Давлат Департаменти хеч қачон сиздан почта ёки Вестерн Юнион (Western Union) каби хизматлар орқали пул жўнатишни сўрамайди.

28. DV-2022 учун неча киши саралаб олинади?

DV-2022 учун 55000 та DV визалар ажратилган. Биринчи сараланган 55000 та шахснинг баъзилари виза талабларига жавоб бермасликлари ёки ишларини виза олиш боскичигача давом эттира олмасликлари эхтимоли мавжудлиги туфайли ва барча DV визалари ишлатилишини таъминлаш

учун, 55000 дан ортик ариза саралаб олинади. Аммо, бу ҳолат дастлабки сараланганлар учун визалар етмай қолиши мүмкинлигини ҳам англатади.

Аризачи Мақомини Текшириш Функцияси (Entrant Status Check) орқали аризангиз сараланганини аниқлашингиз ва сараланган бўлса, иштирокчилар рўйхатидаги ўз ўрнингизни билиб олишингиз мумкин. DV-2022 дастури учун сухбатдан аввал талаб қилинадиган барча ҳужжатлар ва маълумотларни тақдим этган сараланганлар сухбатлари 2021 йил октябридан бошланади. Барча талаб қилинадиган маълумотларни тақдим этган сараланган иштирокчилар хорижда жойлашган АҚШ консулликлари ходимлари билан белгиланган сухбатларидан 4-6 ҳафта олдин Е-DV Интернет саҳифасидаги Аризачи Мақомини Текшириш Функцияси (Entrant Status Check) орқали суҳбат вақтлари ҳақида огоҳлантириладилар.

Хар ой, ўша ойда виза олишга тайёр иштирокчилар учун, визалар тартиб раками тўгри келиш шарти билан, визалар берилади. Барча 55000та DV визалари берилиб бўлингач, шу йилги дастур нихоясига етади. Визалар 2022 йил сентябридан олдин таркатилиб бўлиши хам мумкин. Виза олишни хохловчи сараланганлар тез харакат килишга тайёр бўлишлари керак. Тасодифий танлов оркали сараланиш сизга виза олишингизнинг кафолатини бермайди. Танлов факатгина сиз DV визасига мурожаат этишингиз мумкинлигини ва агар иш ракамингиз якуний жараёнлардан ўтиш учун тўгри келса ва виза олиш талабларига жавоб берсангиз, DV визаси берилишини билдиради. Факатгина 55000та визалар ушбу мурожаат этувчиларга берилиши мумкин.

29. Муваффакиятли иштирокчилар қандай сараланади?

Иштирокчилар 2021 йил, 8 майдан бошлаб то 2022 йил, 30 сентябрга қадар Е-DVнинг dvprogram.state.gov интернет сахифасида жойлашган Аризачи Мақомини Текшириш Функцияси (Entrant Status Check) орқали сараланганлари ҳақида расман ҳабардор қилинадилар. Давлат Департаменти сараланганлик ҳабарномалари ёки ҳатларни почта ёки электрон почта орқали жүнатмайди. Давлат Департаментидан келмаган DV танловида сараланганлигингиз ҳусусида ҳат ёки электрон почта орқали ҳабарнома ҳақиқий эмас. Давлат Департаментидан сизга юборилган ҳар қандай электрон ҳатлар мурожаатингизга боғлиқ булган янгиликларни куриш учун Аризачи Мақомини Текшириш Функциясини куриб чиқишингизга курсатма беради. Давлат Департаменти сиздан почта ёки Western Union сингари ҳизматлар орқали пул жунатишни ҳеч қачон сурамайди.

Хар бир минтақадан қабул қилиб олинган барча аризалар алохида рақамланади, ва рўйхатга олиш даври нихоясида, компьютер хар бир географик минтақа бўйича қабул қилиб олинган аризаларни тасодифий танлаш йўли билан саралаб олади. Хар бир минтақа ичида биринчи саралаб олинган ариза рўйхатдан ўтган биринчи иш бўлиб, иккинчиси эса иккинчи бўлиб рўйхатдан ўтган хисобланади ва хоказо. Рўйхатга олиш даврида қабул қилинган барча аризаларнинг ўз минтақаси ичида танлаб олиниш эхтимоли тенг. Ариза сараланган тақдирда иштирокчи 2021 йил, 8 майдан бошлаб Е-DVнинг dvprogram.state.gov Интернет сахифасида жойлашган Аризачи Мақомини Текшириш Функцияси (Entrant Status Check) орқали хабардор қилинади. Агар аризангиз сараланса ва сиз Аризачи Мақомини Текшириш Функцияси (Entrant Status Check)даги кўрсатмаларга биноан жавоб берсангиз, Давлат Департаментининг Кентукки Консуллик Маркази (ККМ) то визага ариза берувчи бўлиб сараланганлар АҚШ Элчихонаси ёки Консуллигига виза учун сухбатга келишлари хусусида йўл-йўриқ олмагунча ёки Америка Қўшма Штатларидаги мавкеини ўзгартиришга мурожаат этаётганлар АҚШдаги Фуқаролик ва Иммиграция Хизмати (USCIS)га мурожаат қилмагунларига қадар ишни олиб боришда давом этаверади.

30. Мен аллақачон АҚШдаман. Агар сараланганлар қаторида бўлсам, АҚШда мақомимни АҚШ Фуқаролик ва Иммиграция Хизмати USCIS орқали ўзгартиришим мумкинми?

Ха, агар сиз АҚШ Иммиграция ва Фуқаролик Актининг 245-бўлимида кўрсатилган мақомингизни ўзгартириш талабларига мувофиқ бўлсангиз, ўз мақомингизни доимий резидентга ўзгартириш учун USCIS га мурожаат қилишингиз мумкин. Сиз USCIS 2022 йил 30 сентябргача ўз мурожаатингиз, жумладан хориждаги турмуш ўртоқ ёки 21 ёшдан кичик бўлган фарзандларингизнинг мурожаатлари бўйича жараёнларни тугата олишига ишонч хосил килишингиз керак, чунки айнан шу кунда DV-2022 дастурига мувофиклигингизнинг амал қилиш муддати тугайди. Давлат Департаменти ҳеч қандай ҳолатда 2022 йил, 30 сентябрь 00:00 дан сўнг DV-2022 дастури учун ҳеч қандай виза рақамлари бермайди ва ҳеч қандай мақом ўзгартиришларини амалга оширмайди.

31. Агар сараланганлар қаторида бўлсам, DV визасига қандай муддат ичида мурожаат этишга хаклиман?

Агар DV-2022 дастурида сараланган бўлсангиз, фақат АҚШ хукуматининг 2022- солик йили мобайнида визага мурожаат этишингиз мумкин, яъни 2021 йил, 1 октябрдан, 2022 йил, 30 сентябргача. Саралаганларга якуний жараёнлардан ўтиш учун иш рақамлари тўғри келиши биланок имкон қадар эртарок визага мурожаат этишлари тавсия этилади.

Хеч қандай истисноларсиз, барча сараланган ва мувофиқ иштирокчилар солиқ йили нихоясигача визаларини олишлари ёки мақомларини ўзгартиришлари шарт. Сараланган, лекин визаларини 2022 йил, 30 сентябргача (солиқ йили нихоясигача) ола олмаганлар учун DV имтиёзлари кейинги йилга ўтказилмайди. Шу тарзда аризачиларнинг турмуш ўртоқлари ва фарзандлари ўзларининг DV оила аъзоси сифатидаги визаларини ҳам 2021 йил, 1октябрдан, 2022 йил, 30 сентябргача олишлари мумкин холос. АҚШдан ташқарида мурожаат этаётганлар Департамент томонидан Аризачи Мақомини Текшириш Функцияси орқали ўз суҳбатлари белгиланган кундан тўрт-олти ҳафта муқаддам суҳбат вақтлари ҳақида хабардор этиладилар.

32. Агар DV дастурида сараланган шахс вафот этса, унинг иши нима бўлади?

Агар DV дастурида сараланган шахс АҚШга етиб боришдан аввал ёки мақомини ўзгартиришдан аввал вафот этса, DV иши автоматик равишда ёпилади. Вафот этган сараланган шахснинг турмуш ўртоғи ва/ёки фарзандлари ҳам шу вақтдан бошлаб DV визасига эга бўлишга ҳақлари бўлмайди. Уларга берилган ҳар қандай визалар бекор қилинади.

ТЎЛОВЛАР

33. DV дастурига ариза топшириш учун қанча ҳақ тўлаш керак?

Электрон аризани топшириш учун ҳеч қандай тўлов ундирилмайди. Бирок, агар аризангиз сараланса, виза аризасини топшириш жараёнида барча талаб қилинадиган виза тўловларини бевосита АҚШ Элчихонаси ёки Консуллигидаги консуллик ғазначисига тўлашингиз зарур. Қўшма Штатларда бўлган сараланган шахс бўлсангиз, USCIS орқали ўз мақомингизни ўзгартириш учун барча талаб қилинадиган тўловларни бевосита USCISга тўлайсиз. Зарур турли миллатларга мансуб иммигрантлар визаси ва иммиграцион виза аризаси тўловлари ҳақида тафсилотларни Е-DVнинг dvprogram.state.gov Интернет саҳифаси орқали бериладиган йўрикномалардан оласиз.

34. Агар саралансам, DV визасига боғлиқ тўловларни қандай ва қаерда тўлайман?

Агар тасодифий танлов йўли билан сараланган аризачи бўлсангиз, DV визасига мурожаат этиш жараёнлари ҳақида dvprogram.state.gov саҳифасидаги Аризачи Мақомини Текшириш Функцияси орқали йўрикномалар оласиз. Сиз DV ва иммиграцион визага тааллукли барча тўловларни АҚШ элчихонаси ёки консуллигидаги консуллик ғазначисига ўзингиз шахсан тўлайсиз. Консуллик ғазначиси ўша заҳотиёқ сизга АҚШ ҳукуматининг тўлов тасдикномасини (квитанция) беради. Агар АҚШ элчихонаси ёки консуллигида иммиграцион визага мурожаат этаётган бўлсангиз, DV тўловлари учун ҳеч кимга почта, Вестерн Юнион, ёки бошқа ҳар қандай етказиб бериш хизматларидан фойдаланиб пул жўнатманг.

Агар сараланган бўлсангиз ва аллақачон АҚШда бўлсангиз ҳамда USCIS орқали ўз мақомингизни ўзгартиришни режалаштирсангиз, dvprogram.state.gov саҳифасидаги Аризачи Мақомини Текшириш Функциясида мавжуд бўлган йўрикномаларда АҚШ банкига DV тўловларини жўнатиш ҳақида маълумотлар берилган.

35. Агар DVга мурожаат этсам, аммо виза олиш талабларига номувофиклигим туфайли виза ола олмасам, тўлаган тўловларимни кайтариб олсам бўладими?

Йўқ. Виза тўловлари қайтариб берилмайди. Сиз ушбу йўрикномада таъкидланган барча виза талабларига жавоб беришингиз шарт. Агар Консул сизнинг виза талабларига жавоб бермаслигингизни аникласа ёки АҚШ қонуни бўйича виза олишингиз учун такик кўйилса, Консул виза бера олмайди ва тўлаган барча тўловларингиз ушлаб колинади.

ВИЗА ОЛИШГА КОНУНИЙ ТАКИКЛАР

36. DV визасига мурожаат этган шахс сифатида, бирор виза олишга қонуний тақиқлардан истисно қилинишим мумкинми? Менинг истисно қилишга берган аризам бирор имтиёзли жараёндан ўтказиладими?

DV аризачилари Иммиграция ва Фукаролик Актида белгиланган иммиграцион визалар берилишига қуйилган барча тақиқларга буйсунадилар. Иммиграция ва Фукаролик Актида белгиланганидан ташқари виза олишга қуйилган тақиқлардан истисно сифатида озод қилиш ёки озод қилиниш ҳақида аризаларни алоҳида куриб чиқишга оид махсус моддалар йуқ. Яқин қариндошлари АҚШ фукаролари ёки АҚШ доимий қонуний резидентлари булган қатнашчилар учун тақиқлардан истисно сифатида озод этиш буйича баъзи умумий жараёнлар назарда тутилган булишига қарамасдан, DV дастурининг вақт билан чекланганлиги бу қатнашчилар мазкур жараёнлардан самарали фойдаланишини мураккаблаштиради.

DV ДАСТУРИГА ОИД ФИРИБГАРЛИКДАН ОГОХ БЎЛИНГ

37. Интернетдаги фирибгарлик ва сўровсиз электрон почта хатлари хакида каерга мурожаат этиб, маълумот беришим мумкин?

Илтимос, <u>econsumer.gov</u> веб-сайтига мурожаат қилинг. Бу саҳифа Федерал Савдо Комиссияси томонидан бошқарилади ва 36 давлатнинг истеъмолчилар ҳуқуқларини муҳофаза қилиш органларининг қўшма саъй-ҳаракатларини жамлайди. Шунингдек, фирибгарлик ҳақида Федерал Тергов Бюросининг (FBI) <u>Интернетда жиноятга қарши шикоят марказига</u> маълумот беришингиз мумкин. Сўровсиз юборилаётган электрон ҳатлар устидан шикоят учун <u>econsumer.gov</u> веб-сайтидаги "Телемаркетинг ва Руҳсатсиз Юбориладиган Хатлар" га оид шикоятлар

функциясидан фойдаланинг ёки Адлия Вазирлиги веб-сайтига кириб, қушимча маълумот ва боғланиш учун манзил ва рақамлар учун "Суровсиз Тижорат Хатлари (Спам)" сахифаси билан танишиб чикинг.

DV ДАСТУРИ СТАТИСТИКАСИ

38. DV-2022 дастурида бериладиган визалар сони нечта?

Қонунга кўра, ҳар йили талабларга мувофиқ шахслар учун энг кўпи билан 55000 та виза мавжуд.

УМУМИЙ САВОЛЛАР

39. Агар DV дастури бўйича виза олсам, АҚШ хукумати АҚШга етиб олишим учун самолёт билетини тўлаб, менга у ерда иш ва уй-жой топишимда ёрдам бериб ва/ёки мен батамом ўрнашиб олгунимча тиббий ёрдам ва бирор ёрдам пули билан таъминлаб турадими?

Йўқ. DV дастури бўйича виза олсангиз, АҚШ хукумати сиз санаб ўтган хизматларнинг бирортасини кўрсатмайди. DV визасига мурожаат этиш учун сараланган бўлсангиз, сизга виза берилишидан аввал, сиз АҚШда давлат қарамоғига тушиб қолмаслигингизни исботлашингиз керак. Агар дастурда сараланганлар қаторида бўлсангиз, Давлат Департаментининг жамоатчилик учун очиқ маълумотларидан давлат қарамоғига тушиб қолиш эҳтимоли қандай баҳоланиши ва қай турдаги далиллар сизнинг давлат қарамоғига тушиб қолмаслигингизни намойиш эта олиши ҳақида ўрганиб чиқинг.

DV-2022 ТАЛАБЛАРИГА МУВОФИҚ БЎЛГАН МАМЛАКАТЛАР ХУДУДИДА ТУҒИЛГАН ШАХСЛАР УЧУН МИНТАҚА БЎЙЛАБ РЎЙХАТ

Куйидаги руйхатда ҳар бир жу́ғрофий минтақа буйлаб ҳудудида туғилган шахслар DV-2022га мувофиқ бу́лган мамлакатлар келтирилган. Хориждаги ҳудудлар у́злари қарам бу́лган давлат минтақасининг руйхатига киритилган. Ҳудудида туғилган шахслар DV-2022 дастури учун номувофиқ бу́лган мамлакатлар АҚШ Фуқаролик ва Иммиграция Хизмати (USCIS) томонидан Иммиграция ва фукаролик ҳақида Қонуннинг 203(с) бу́лимидаги формулага биноан аниқланди. Ҳудудида туғилган шахслар мазкур турли миллатларга мансуб иммигрантлар DV дастурига мувофиқ бу́лмаган мамлакатлар (чунки улар оилавий ва меҳнат сабабларига ку́ра иммигрантликнинг асосий манбаидир, ёки иммигрантлик ку́рсаткичи юқори мамлакатлардир) тегишли минтақавий руйхатлардан су́нг белгиланган.

АФРИКА

Жазоир Ангола Бенин Ботсвана Буркина Фасо Бурунди Камерун Кабо Верде

Марказий Африка Республикаси

Чад

Комор ороллари

Конго

Конго Демократик Республикаси

Кот д'Ивуар Жибути Миср*

Экваториал Гвинея

Эритрея
Эфиопия
Габон
Гамбия
Гана
Гвинея
Гвинея-Биссау
Кения

Лесото Либерия Ливия Мадагаскар Малави Мали Мавритания

> Маврикий Марокаш Мозамбик Намибия Нигер Руанда

Сан Томе ва Принсипи

Сенегал

Сейшел ороллари Сьерра Леоне Сомали

Жанубий Африка

Жанубий Судан

Судан Свазиленд Танзания Того Тунис Уганда Замбия Зимбабве

*1967 йилнинг июнь ойигача Исроил, Иордания, Сурия ва Миср томонидан бошкарилган худудларда туғилган шахслар, мутаносиб равишда Исроил, Иордания, Сурия ва Мисрга тегишли бўладилар. Газо худудида туғилган шахслар Мисрга тегишли. Иордан дарёсининг Ғарбий Қирғоғида туғилган шахслар Иорданияга тегишли. Голан Тепаликлари худудида туғилган шахслар Сурияга тегишли.

Африка бўйича бу йилги турли миллатларга мансуб иммигрантлар дастурида Нигерияда туғилган шахслар мувофиқ эмас.

ОСИЁ

Афғонистон

Бахрайн Бутан

Бруней Бирма

Камбоджа Гонконг Махсус

маъмурий округи**

маьмурии округ Индонезия

Эрон Ирок Исроил* Япония***

Иордания*

Қувайт Лаос Ливан

Малайзия

Мальдив ороллари

Монголия Непал

Шимолий Корея

Уммон Қатар

Саудия Арабистони

Сингапур Шри Ланка Сурия* Тайвань** Таиланд Тимор-Лесте

Бирлашган Араб Амирликлари

Яман

- *1967 йилнинг июнь ойигача Исроил, Иордания, Сурия ва Миср томонидан бошқарилган худудларда туғилган шахслар, мутаносиб равишда Исроил, Иордания, Сурия ва Мисрга тегишли бўладилар. Газо худудида туғилган шахслар Мисрга тегишли. Иордан дарёсининг Ғарбий Қирғоғида туғилган шахслар Иорданияга тегишли. Голан Тепаликлари худудида туғилган шахслар Сурияга тегишли.
- ** Макау М.М.О. (Европа региони, Португалияга тегишли) ва Тайвань (Осиё региони) **мувофик бўлиб,** шу ерда санаб ўтилган. Фақатгина турли миллатларга мансуб иммигрантлар учун визалар дастури микёсида, Макау М.М.Ода туғилган шахслар мувофикликни Португалия ҳисобидан оладилар.
- ***Хабомай ороллари, Шикотан, Кунашири ва Эторофуда туғилганлар Японияга тегишли буладилар. Жанубий Сахалинда туғилганлар Россияга тегишли ҳисобланадилар.

Куйидаги Осиё давлатларида туғилган шахслар мазкур йилдаги Турли миллатларга мансуб иммигрантлар учун визалар дастурига мувофиқ эмас: Бангладеш, Хитой (шу жумладан Гонконг), Хиндистон, Покистон, Жанубий Корея, Филиппин, ва Вьетнам.

ЕВРОПА

Албания Андорра Арманистон Австрия Озарбайжон Беларусь Бельгия

Босния ва Герцеговина

Болгария Хорватия Кипр

Чехия Республикаси

Дания (унинг таркиби ва хориждаги

қарам худудлари)

Эстония Финландия

Франция (унинг таркиби ва хориждаги

қарам худудлари)

Грузия
Германия
Греция
Венгрия
Исландия
Ирландия
Италия
Козогистон
Косово
Киргизистон

Лихтенштейн Литва

Латвия

Люксембург

Макау Махсус Маъмурий Округи**

Македония

Мальта Молдова Монако Черногория

Нидерландия (унинг таркиби ва хориждаги

қарам худудлари) Шимолий Ирландия***

Норвегия (унинг таркиби ва хориждаги

қарам худудлари)

Польша

Португалия (унинг таркиби ва хориждаги

қарам худудлари)

Руминия
Россия****
Сан Марино
Сербия
Словакия
Словения
Испания
Швеция
Швейцария
Тожикистон
Туркия
Туркманистон
Украина
Ўзбекистон
Ватикан шахри

- ** Макау М.М.О. **мувофик бўлиб,** шу ерда санаб ўтилган. Фақатгина турли миллатларга мансуб иммигрантлар учун визалар дастури макиёсида, Макау М.М.Ода туғилган шахслар мувофикликни Португалия ҳисобидан оладилар.
- *** Турли миллатларга мансуб иммигрантлар учун визалар дастури микёсидагина Шимолий Ирландияга ўзга ёндашув билан қаралди. Шимолий Ирландия **мувофик бўлиб**, мувофик давлатлар орасида келтирилди.
- **** Хабомай ороллари, Шикотан, Кунашири ва Эторофуда туғилганлар Японияга тегишли бўладилар. Жанубий Сахалинда туғилганлар Россияга тегишли ҳисобланадилар.

Куйидаги Европа давлатлари худудида туғилган шахслар мазкур йилдаги Турли миллатларга мансуб иммигрантлар учун Визалар дастурига мувофик **эмас**: Буюк Британия (Бирлашган Қироллик). Буюк Британия (Бирлашган Қироллик) қуйидаги қарам ҳудудларни ўз ичига олади: Ангуилла, Бермуда, Британия Виржиния ороллари,

Британия Хинд Океани худудлари, Кайман ороллари, Фолькланд ороллари, Гибралтар, Монсеррат, Питкаирн, Жанубий Джорджиа ва Жанубий Сэндвич ороллари, Мукаддас Елена, Турк ва Кайкос ороллари.

ШИМОЛИЙ АМЕРИКА

Багама ороллари

Шимолий Америкада Канада ва Мексика худудида туғилган шахслар бу йилги Турли миллатларга мансуб иммигрантлар учун визалар дастурида иштирок этишга **номувофикдир**.

ОКЕАНИЯ

Австралия (унинг таркиби ва хориждаги

қарам худудлари) Палау

Фижи Папуа Янги Гвинея

Кирибати Самоа

Маршал ороллари Соломон ороллари

Микронезия, Науру Тонга Федератив Штатлари Тувалу Янги Зеландия (унинг таркиби ва хориждаги Вануату

қарам худудлари)

ЖАНУБИЙ АМЕРИКА, МАРКАЗИЙ АМЕРИКА ВА КАРИБ ОРОЛЛАРИ

Антигуа ва БарбудаГондурасАргентинаНикарагуаБарбадосПанамаБелизПарагвайБоливияПеру

Чили Сент Кристофер ва Невис

Коста Рика Сент Люсия

Куба Сент Винсент ва Гренадинлар

Доминика Суринам

Эквадор Тринидад ва Тобаго

Гренада Уругвай Гайана Венесуэла

Минтакада мазкур йилдаги Турли миллатларга мансуб иммигрантлар учун визалар дастурига худудида туғилган шахслар **номувофик** бўлган давлатлар: Бразилия, Колумбия, Доминикана Республикаси, Сальвадор, Гватемала, Гаити, Гондурас, Ямайка, ва Мексика.